

明

史

明史卷一百八十七

列傳三十八

高賢寧

程

濟

楊本元

王

璉

孫鎮

劉

亨

周

縉

龔詡

儲

福

璽

菴和尚

河西傭

補錫匠

馮

翕

束湖樵夫

樂清樵夫梁田王等九人

玉華山樵

高賢寧濟陽儒學生常受學於教諭王省以節義相

砥礪建文中貢為國學生燕兵破德州圍濟南賢寧

適在園中時外援倉卒不及赴而燕兵勢甚張黃子

澄等謀請和以怠燕尚寶司丞李得成者慷慨請行

見燕王城下王不聽固益急參政鐵鉉等百計禦之
王射書城中諭降賢寧作周公輔成王論答射城外
王悅其言為緩攻相持兩月卒潰去燕王稱帝後賢
寧被執見帝帝曰此作論秀才耶秀才好人予一官
賢寧固辭其友紀綱方為錦衣衛指揮有寵勸賢寧
就職賢寧曰君為學校所棄故應爾我食廩有年於
義不可且嘗辱王先生之教矣綱為言於帝得遣歸
年九十七卒

程濟朝邑人有道術洪武末為岳池教諭岳池去朝
邑數千里或見濟常在朝邑而治岳池舉事不廢建

文初上書言某月某日北方兵起朝廷謂非所宜言
逮至京將殺之濟入見仰面大呼曰陛下幸因臣臣
言不驗死未晚乃下之獄已而燕兵起帝乃釋濟以
為翰林院編修叅軍謀從諸將北征徐州之捷諸將
樹碑叙戰功及統軍者姓名濟一夜往祭其碑人莫
測其故後燕王過徐見碑大怒趣左右以鐵椎椎碑
再椎遽曰止之為我錄碑文來已按碑誅之無得脫
者濟姓名正在椎脫處得免淮上諸將敗帝召濟還
初濟與邑人高翔並以明經徵翔勵名節濟好術數
翔數止濟勿為此濟不聽既有兵事濟又勸翔學戎

術翔曰我願為忠臣也金川門破翔招濟同死濟曰
我願為智士也翔竟死之濟亡去或曰事急時帝召
濟問計濟曰天數已定惟可出走免難立召僧為帝
落髮濟從之出每遇險幾不能免以濟術竟得脫去
相從數十年後莫知所終時又有楊本者中年人通
禽遁之術初為太學生建文中以才畧應募授錦衣
衛鎮撫從李景隆北伐有功主帥忌不以聞尋以孤
軍獨出被擒繫北平獄後因濟南失利遂被殺又有
周拱元者亦為錦衣鎮撫明占候引步卒防鉤艘燕
師至死之福王時本拱元並贈都指揮

王穰字器之日照人博通經史尤長於春秋初為教
授坐事謫遠方洪武末以賢能為授寧波知府清廉
強幹夜四鼓輒升堂秉燭讀書聲徹署外間詣學課
諸生諸生率四鼓起誦習無敢懈致境內淫祠三皇
祠亦在毀中或以為疑璉曰不當祠而祠曰淫不得
祀而祀曰噴惟天子得祭三皇於士庶人無預毀之
何疑自奉尤儉約一日饌用魚羹璉怒其妻曰若不
憶吾啖草根時耶命撤而埋之人號埋羹太守燕師
臨江璉造舟艦謀勦王為衛卒縛至京成祖問造舟
何為對曰欲泛海趨瓜洲阻師南渡耳帝亦不罪放

還田里以壽終

孫鎮字希武合肥人洪武中舉經明行修除戶部主事帝以課程事連坐部官鎮諫勿傷國體忤旨謫戍滇南建文初以薦復官出知衛輝府興學課士教民樹畜禱雨驅蝗政績甚著燕師逼境守臣謀迎附鎮堅守不下成祖即位連至京謫戍山海宣德初以御史王紹薦赦至京除上饒丞不就卒於鄉

劉亨字嘉會廬陵人洪武中以賢良徵辭親老歸養久之復舉經明行修入對稱旨命說書筆盒殿尋以言事忤執政出為壽州訓導建文帝即位詔求直言

亨上言文武並用久長之術而六卿秩卑於五府當
並為一品國子祭酒師表天下士位不當在太僕下
諸武臣子弟他日當授之兵宜立學教之使知事上
使下禮義之道多見採用除武進丞修學政課農桑
恤孤寡表節義毀淫祠縣旁作善教坊再思亭風屬
民庶訟省野闢流亡未歸賜鹽書褒勞縣民李德茂
等作亂旬郡守擒戮之諭降其黨成祖即位有言亨
在建文時上書改官制者又坐他事罷歸遂杜門不
復出薦修永樂大典以疾辭湖廣廣東聘考試官皆
不就宣德中御史尹崇高復言亨學行雖老可為師

表亨造朝自言年將八十不足任教事帝曰伏生九十尚傳經八十為教官何不可亨懇辭吏部尚書郭璉曰孔子言老者安之朝廷豈少此一人宜聽還鄉乃得歸正統中年八十二卒

周縉字伯紳武昌人以貢入太學校永清典史居官廉謹攝令事捕蝗弭盜措置有方俄而燕師起守令相率迎降永清地尤近縉獨為守禦計顧吏民逃散度不可為懷印南奔道聞母喪歸終喪而燕兵已迫輟糾義旅勤王聞京師不守去匿民間頃之吏部言前北平所屬州縣官朱寧等二百九十人當臬上舉

兵靖難俱棄職逃亡宜賓諸法詔令入粟贖罪達戍
興州有司遂械縶至謫興州居數年子代還年八十
而沒

龔調一名朔字大章崑山人建文四年年十七為金
川門守卒燕王兵至谷王穗與李景隆等開門迎降
調慟哭去之歸崑山隱居教授杜門不出宣德中工
部尚書周忱為巡撫重其人欲薦為學官調謝曰謝
任固無害恐負往日金川門一慟耳竟以隱終門人
私謚安節先生福王時因謚安節贈翰林待詔
儲福無錫人洪武中以戍卒隸籍燕山衛以好義稱

燕兵起福罕母妻逃去永樂初簿錄亡卒入伍福在
錄中調曲靖衛復罕母妻以行仰天哭曰福雖一介
戡卒義不為從逆之臣日夜號泣竟不食死妻范與
其母營地葬之范時年二十居貧奉姑甚謹每哭其
夫則走山谷中大號不欲聞之姑也官府聞其美而
寡欲娶之已知其節孝狀乃止一日范澣衣澗邊見
草生如席草因取織席鬻以養姑姑年七十餘卒營
葬廬於墓傍年八十餘卒卒後席草不復生土人義
之即其廬為祠祀之福王時贈福指揮使謚貞義妻
贈淑人謚孝節

雷菴和尚名暨不知其姓燕王稱帝以方黃華為姦
黨所族滅者數十家其以誦戍死窮邊及道死者又
數萬人暨慟哭雜髮為僧走蜀之重慶重慶大竹縣
善慶里山水奇絕暨往棲焉里中隱者林景賢知其
非常人與之友善嘗往來白龍諸山有松柏灘灘水
清駛蘿莖叢蔚暨悅之景賢即於其地為之築菴菴
成暨與其徒數人居之晨夕誦讀人謂其讀佛經不
知乃周場也景賢謂曰和尚僧而誦儒不可宜誦佛
經暨知其意即讀佛書又好讀楚詞時買一冊袖之
登小舟棹灘中流朗讀楚詞每讀一葉竟即投諸水

請已輒哭哭已又讀衆莫測其云何也性嗜酒恒以一壺待客客至輒共飲不至則呼牧兒與飲飲酣謂曰我歌爾和歌竟瞑焉而寐為人長身秀偉落筆成章意氣渙發能感愴人竟秘跡以死死之日其徒問曰師即死宜銘何許人暨張目曰松陽故世疑爲葉希賢希賢官御史松陽人也

河西傭不知何許人建文四年六月燕兵入京城傭被葛衣走其冬至金城行乞市中遭地極寒傭嘗衣葛明年至河西依莊浪魯家爲傭取其傭之直買羊裘披之夏或衣新布衣皆以故葛衣覆其上葛益破

縷縷人或勸傭棄之終不可傭錢稍之餘輒市酒因
與諸乞兒飲食力作倦時自吟或夜聞其哭泣聲
永樂中有京朝官從宋總兵至莊浪識傭欲與語傭
走南山避之俟其去乃還或問京朝官傭何人者京
朝官亦不答傭在莊浪數年病且死呼主人囑曰我
死勿殮我幸西北風起火我毋埋我骨魯家從其言
補鍋匠不知何許人往來夔州重慶間為人補鍋與
之直一無所較當食時與之食即不復取錢錢稍稍
積遇風雨寒暑輒不出補鍋出錢買酒者自飲食所
至州邑留不過三日即去去或復來人有從學補鍋

者不取謝錢直令負檐從後更有學者至仍令負檐
即遣先學者去如是數年川中人皆識之嘗寄宿蕭
寺中一日忽於夔州市遇一人相顧愕然已而相持
哭哭已共入山巖中坐語竟日從學補鍋者屏不得
聞其人即所謂馮翁者也二人語已復相持哭言今
永訣不可復相見後竟莫知所終

馮翁亦不知何許人在夔州以章句為童子師給衣
食能為屬對句及古詩詩後題馬二子或馬公或塞
馬先生嘗作詩大書壁間云夜夢何奇特龍飛天漢
津朝橫滄海曲夕過滇池潏光燁皆五色蜿蜒無損

鱗淵田變化間張主藉高是此見補鍋匠歸即剝去
朱幾辭主人去不知所終

東湖樵夫樵台州臨海之東湖日負薪入市口不二
費建文四年秋有居民自縣聽詔歸語樵夫曰新皇
帝登極樵夫愕然曰皇帝安在曰大內火帝自焚矣
樵夫慟哭遂投河水死同時温州樂清縣亦有樵夫
自山采薪歸聞京師陷其鄉人卓侍郤死仰天號哭
自刎而可墓戒不願為之民也遂棄薪投橋下死永
樂初紹興會稽縣有二隱者一人為僧於雲門寺一
人樵於耶溪僧每從一童子携茗及筆泛舟而遊賦

詩燭袖歸則焚之焚者日鬻薪二束足食則已每於
溪沙以荻畫字畫已輒灑其沙不可識人有觀其畫
者從後抱持乃得而讀之則皆孤臣去國之辭也時
又有玉華山樵者隱於金華東陽縣之東山麻衣戴
笠終身不易服將死謂主人曰斂吾屍懸於林木足
矣主人卒葬之間為王姓者題詩曰宗人故疑其王
姓云當建文帝在位任屬方孝孺等專務以德化民
法網疎濶士風敦樸崇尚節義燕師入京城一夕即
官御史給舍縋城去者四十餘人其後深山窮谷往
往有匿跡傭保冥棲高蹈之士識者知為縋國遺臣

然其姓名爵里莫得而詳也其後松陽王詔遊洛平
寺觀轉輪藏聞藏上嚄嚄有聲異之探其上得書一
卷載建文亡臣二十餘人事蹟楮墨斷爛不可讀錄
其可識者九人梁田玉梁良玉梁良用梁中節四人
皆定海人同族同仕於朝田玉官郎中京城破髡髮
為僧遁去良玉官中書舍人變姓名遁嶺至海南寓
市肆鬻書以老良用去為舟師死於水中節好讀老
子太元經去為道士何申宋和郭節俱不知何許人
俱官中書申使蜀至峽口聞變慟哭嘔血疽發背死
和及節變姓名挾卜筮書走異域賣卜客死何洲海

州人不知何官亦棄官為卜者客死鄒良官籍俱無
考與梁中節相約棄官為道士去餘十一人并失其
姓名於是認為之贊而縉雲鄭僊紀其事為忠賢奇
秘錄傳於世及萬曆中又有所謂致身錄者云得之
茅山道書中遜國時翰林侍書吳江文仲彬所述紀
建文帝出亡後事甚具若仲彬及程濟葉希賢牛景
先等皆從亡之臣又有廖平金焦諸姓名而雪菴和
尚補鍋匠等皆具有姓名官爵科臣歐陽調律上其
書於朝欲為請謚立祠而其書淺陋不經通人皆以
為偽錢謙益著論辨其必無者有十事竟廢及福王

立褒錄遜國諸臣禮部復以仲彬等名上請臣李清
摘其四謬亦格不行然好事者頗採其書綴諸傳紀
與鄭曉等所記相參錯云

論古今之隱遯者流大都義不食粟志在潔身乃至
變姓毀形溷跡傭保之死而不顧則皆其憤激於中
而不能自己者也不然如補鍋賣卜之徒委身溝壑
志甘如飴果誰實使之而悉如是耶靜言思之亦良
足傷矣

明史卷一百八十八

列傳三十九

張純 毛泰亨 王純

嚴震直

郁新 徐宗實

董倫

王景 張智

張顯宗

薛宗 尹昌隆

張純字昭季富平人洪武中舉明經為東宮侍書遷
通政司左叅議試左通政雲南平出為右叅政陞辭
太祖賦詩二章賜之歷進左布政使二十六年入覲
治行為天下第一特令吏部勿考賜璽書司叢者討
平西南命官撫守爾純實先往於今五年諸蠻聽服

誠信相孚克共乃職不待考而朕知其功出天下十
二牧上故嘉爾績命爾仍治滇南汝往欽哉統為布
政使凡十三年朝士董倫王景韓宜可輩遷謫其地
統皆接以禮意或相薦引凡土地貢賦法令條格皆
統所裁定民間喪祭冠婚皆有定制務變其俗滇人
至今遵用之其為雲南公廨記畧曰雲南於古為荒
外地山林幽阻民俗草昧各分種部如蜂蟻然無教
令等威之制無宮室器業之資生理既不足繫其心
又奇險足以容奸是以樂縱恣而安悖亂若未之以
法而強之以所不能彼不猖然相噬則缺然長往耳

昔在漢晉雖嘗設官亦即其要會而領之隋唐間頗置州郡皆藉廢而已元因其俗而撫之然弗靖者如故也是以志烈之士非不欲革難而禽獮之顧其勢有所不行益耐饑渴習霧露乘高走險殊死而不顧者乃其所長然而性荒惰闇於事機素無節制可守雖易令亦易以離智者察此則知所以制之矣建文帝立召為吏部尚書時詔徵遺逸士集闕下統選用各當其才會修太祖實錄被旨試翰林編纂官奏楊士奇第一士奇由是知名燕師入錄中朝奸臣二十人統與馬成祖既即位以茹瑺言宥統命仍故職

無何帝臨朝而歎以建文時多改舊制謂侍臣曰直
如散官一事相沿已久何關利害亦欲改易陵土未
乾何忍紛紛為此乃諭統及戶部尚書王鈺曰卿二
人久事皇考習知典故今皆老矣可解職務月給尚
書半俸居京師視時政有戾舊制並直言無隱庶稱
屬望老成之意統出遂自經於吏部後堂妻子相率
投池中死統之在吏部值建文帝變易太祖官制有
小吏張祖言於統曰高皇帝起布衣有天下立法創
制規模甚遠今更之未必勝前徒滋人口夫為治顧
實效何如升願公力持之無多紛更統深然之而不

能事也時添註京衛知事統即奏授祖後統自經死
昇以歸屬吏無敢往視者唯祖經紀其喪乃去時又
有毛泰字者建文朝為吏部侍郎與統同事統死泰
字亦死

王鈍字士魯太原人元至正間進士知猗氏縣洪武
中徵授禮部主事歷吏部郎中出為福建左叅議轉
右叅政以廉慎聞坐轉漕不給當罷詔特宥之遣持
節輸撫麓川却其贈金或曰遠人且疑貳奈何鈍乃
受之以輸雲南官庫還遠浙江左布政使在浙十年
時薄憲重臣久任稱職者唯鈍與張統太祖常稱於

朝以勸庶僚建文初拜戶部尚書燕兵入京師純踰城走為邏卒所執成祖即位命仍故官未幾與純俱解職務給尚書半俸純自經死純承制再上疏言事巡視北平山東事竣與勅以布政使致仕純既歸薨不樂遂卒子湍永樂四年進士改庶吉士仁宗即位遷左春坊左司直印時封建親王湍為鄭靖王左長史靖王當祀不薨湍諫王不悅宣德初王就國累月不視朝湍又諫不聽擬苟卿成相篇撰十二章以獻語激切由是與王不合帝聞之後書讓王王終不聽召還改行在戶部印中英宗即位拜戶部右侍郎

巡撫浙江有惠政母喪起復會入覲留攝部事尋以
老乞歸卒

嚴震直字子敏烏程人以富氏推擇為糧長歲部糧
萬石至京師無後期太祖聞而才之洪武二十三年
特授通政司叅議改戶部郎中遷工部右侍郎二十
六年進尚書時朝廷有事營建集天下工匠於京師
凡二十餘萬戶震直錯戶役不過一人人書其姓名
所業於官有役則按籍更番召之役者稱便震直弟
姪居鄉不檢為烏程民所訴帝付震直訊具獄上帝
以為不欺赦其弟姪已而坐事降監察御史數璽寃

徵二十八年使安南還條奏利病稱旨尋命修廣西
興安縣靈渠震五甯度地勢導湘灘二江浚渠五千
餘丈築溪潭及龍母祠土堤百五十餘丈又增高中
江石堤治陡閘三十有六鑿去灘石之礙舟者於是
漕運悉通歸奏帝稱善三十年震直疏言廣東舊運
鹽八十五萬餘引於廣西召商中買今終年所運纔
十之一請分三十萬八千餘引貯廣東別募商人入
來廣西之糧衛所支鹽廣東鬻之江西南安贛州吉
安臨江四府便帝從之廣鹽行於江西自此始尋擢
右都御史復坐事降御史尋復為工部尚書建文中

嘗督餉山東已而致仕成祖即位召見命以故官巡視山西至澤州病卒

郁新字敦本臨淮人洪武中以人才徵授戶部度支主事遷郎中踰年超擢戶部右侍郎太祖嘗問天下戶口田賦地里陰易新應機響應無遺謬太祖稱其才尋進尚書時親王歲祿米五萬石他賜予復萬石新議親王祿賜歲一萬石并定郡王以下祿有差後因各邊饋餉不繼新定召商開中法令商輸粟塞下按數支鹽邊儲以足夏原吉為戶部主事新與語奇之諸曹事難處者悉委任焉建文二年引疾歸成祖

邵位仍召掌部事初轉漕北京新言淮河至黃河多
淺灘跌坡運舟艱阻請別用淺船載三百石者自淮
河沙河運至陳州潁溪口跌坡下復用淺船載二百
石者運至跌坡上別用大船運入黃河又陸運至衛
輝入衛河轉輸北京從之又言湖廣屯田所產不一
凡粟穀黍麥之屬皆令輸官准米有差詔從新言著
為令又議公侯伯駙馬儀賓祿請如文武官例米鈔
兼支屯田歲收不能如額者減十之四五皆允行永
樂三年卒於官成祖歎息曰新理邦賦十有三年能
量計出入今誰可代新者時賜棺殮諭祭而召夏原

吉還理部事新長於綜理察而不繁其所規畫後不
能易為人和易寬博解綰稱其毋喪歸葬賓客至者
數郡以為好交遊無施與慷慨急難之所致云

徐宗實本名屋以字行黃巖人少穎悟力學與弟宗
茂宗原自相師友教授生徒條約嚴肅用是知名洪
武中被薦赴闕欲使任風憲官宗實以草野辭徐銅
衡薄復請告迎養重忤帝意謫戍淮陰驛已而朝廷
選駙馬都尉束川侯胡海子觀在選中帝欲為之擇
師難其人乃命起宗實比至教法嚴明如在家塾既
奉府成婚會當講授中使覘他府例置駙馬位於中

堂北牖下南向而布師席於西階上東向宗實慨然
曰師嚴道尊然後民知教學豈以我一布衣故詎師
道哉即手引駟馬位使下然後為說書中使侍左右
者皆大驚相顧以目觀年少又緣責公子尚主宗實
慮其騎蹇道害數言引古義相戒勸觀得書流涕
謝執弟子禮愈益恭帝聞而嘉之召宗實慰勞數四
洪武末授蘇州通判嘗奏發官粟二十萬石以活饑
民又春時暴水壅堤建議請修築上官以妨農且勞
民沮之宗實奏記曰治堤非他役比若水患不遏斯
由不可耕田不可耕斯農事盡廢其所妨多矣今第

親令有田之家量田多寡俾募貧人代力則無衣食
者悉得所資所謂以佚道使民非勞之也上官卒從
其策吳人皆以為便屬縣有節婦王氏元季未及旌
宋實乃為之請禮部謂事在前朝不當允於是宗實
上言封此千墓至今傳為盛典獨非前朝事乎朝議
稱其識大體婦遂得旌建文三年用薦起擢兵部右
侍郎奉命出使兩淮海州女子年十六許嫁而夫亡
歸大家持服養其姑姑死既葬自誓不更嫁採訪使
上其事禮部又謂年未五十不在旌例宗實復言隨
事處事斯為合義不宜但拘牽文法也此女既能哭

夫筮嫁適初又能剪髮奠姑之後雖刑目截耳無以
復加自應與立志卓異者同科詔如宗實言宗實意
以海內方以安為吏者宜勸農桑敦教化佐天子休
養斯民故其所至輒詢民疾苦表率孝弟節義之行
政在朝則又數陳時事得失凡與大臣廷議是是非
非率所見力言之一不肯傳會以是為廷臣所忌坐
奉使過家稽留貶尚寶司丞數月復起為侍郎燕事
急出使兩浙招集義勇無何成祖即位宗實疏乞骸
骨歸綸二年坐事逮至京道卒

董倫字安常恩人洪武十九年以薦授春坊贊善大

奉遣監春坊大學士侍懿文太子太子薨出為河南
汝恭議上書為肇州吏目諸葛伯衡帝遽擢為陝西
恭議又上言儒學訓導宜與冠帶與士子別帝從之
自是訓導始注選三十年謫雲南教官建文初召拜
禮部右侍郎兼翰林院學士與方孝孺同侍經筵賜
御書怡老堂懸几一玉鳩杖一解綬之謫河州也貽
倫書求援倫言於帝召綬還為侍詔倫質直教厚富
貴學屢勸帝親睦宗藩不聽成祖即位倫年已八十
命致仕數日卒

王景字景彰松陽人洪武初為懷遠教諭以博學應

詔疏革命作朝享樂章并定藩王朝親儀俱稱旨授
開州知州歷山西右叅政坐事謫雲南建文中召入
翰林修太祖實錄以吏部尚書張統薦除侍講成祖
即位擢學士帝問與建文帝禮景頌首言宜用天子禮
從之永樂六年卒於官

張智字玄畧順昌人洪武中舉明經為夷陵州學正
二十三年尚書趙勉薦起拜禮部右侍郎踰年禮部
闕尚書智掌部事嘗建議頒書籍於北方學校是時
諸儒不稱任使者至嬰顧我帝勅智等古之儒者務
學以明禮適用窮則忠信篤敬以淑諸人達則忠君

愛國澤被天下凡擢用儒生布列百司思得其人以
滿其任而卒少見其效良由師道不立故成材罕聞
晦禮部宜以朕言論天下俾凡為儒者必恪遵古先
聖賢之道以修己教人毋徒尚文藝智識者行於太
學尋奏言舊制歲貢生員中式者送國子監不中者
罪有司停學官俸生員罰為吏今不中者遣還讀書
有司教官罰如故是生員不率教者無所勸懲也帝
命定其制不中者有司官任及三年論如例二年者
停俸半年一年者停俸三月學官無分久近罰如例
生員廩食五年者為吏不及者遣還讀書次年復不

中者雖未五年亦罰為吏智所建白多此類二十六年以事左遷國子學錄尋進博士建文中遷司業永樂四年卒於官年七十二智儀容嚴整多識典故在國學教士有規範卒之日士大夫悼惜之

張顯宗字明遠寧化人洪武二十四年進士及第授編脩遷太常寺丞三十年命署國子監事尋拜祭酒上疏申明學規凡數事人方之宋訥建文四年遷工部右侍郎募丁壯於江西成祖即位軍士執之以獻謫戍興州交趾平起顯宗為布政使能以文學節吏事永樂七年卒官

薛崇簡鄉人洪武中以薦舉除鎮江知府沈毅有清
操能攝豪強建文三年召為大理左少卿時燕王方
駐軍大昌方孝孺建議草詔令齊赴燕軍又為宣
諭數十言書千紙令密散燕將士宮見燕王曰上言
殿下且釋甲獨孝陵暮則盡撤諸軍王叱曰事至此
尚誰欺左右指殺之王曰此天子使也釋之歸王稱
帝遷大理卿尋謫廣西安南王孫陳天平自老撾來
歸黎季犛請以歸國帝使都督黃中以兵五千送之
中舉崑為輔行至界站伏發刼殺天平宮死之
尹昌隆字彥謙太和人洪武中舉進士及第授脩撰

政監祭御史建文帝初即位視朝頗宴昌隆諫曰昔
太祖高皇帝雞鳴而起昧爽而朝未嘗日出而臨百
官百官於是乎戒懼故能庶績咸熙天下乂安也陛
下嗣守大業固宜追繩祖武兢兢業業憂勤萬幾未
明求衣日旰忘食常如不及今乃即於宴安日上數
刻猶未臨朝群臣宿衛疲於候伺曠職廢業上下解
弛臣恐播之天下傳之四裔非為社稷福也制曰昌
隆所言切中朕過禮部可徧行天下使朕有過人得
而知之元年宗師地震昌隆疏言奸人專政陰盛陽
微竊見於天執政大怒斥為福寧知縣未幾中使誣

高隆之說市獄事句得釋燕兵南下高隆上書言今
事勢日去而北來章奏言周公輔成王不若罷兵息
戰許其入朝彼既欲伸大義於天下不應便相違戾
設有蹉跌便須舉位讓之猶不失作藩王也若沉吟
不斷禍至無日進退失據雖為求為丹徒布衣不可
得矣不報燕王入京師命捕莽泰黃子澄方孝孺高
隆等為姦黨驅出就戮高隆當陞大呼曰臣當時曾
上章勸以位讓陛下奏牘尚在可覆按也帝乃命緩
高隆刑聞其奏流涕曰火燒頭若平從此言則南北
生靈受禍不若受此朕亦無此勞苦也詔特貸高隆

死且諭之曰朕長子在北京嗣任事之爾能盡誠輔
導朕不忘爾昌隆頓首謝乃授北平按察司知事永
樂二年冊立皇太子授昌隆左春坊中允前後在東
宮隨事匡諫多所補益太子甚重之後改禮部主事
尚書呂震方承寵用事群臣無此當其獨處精思以
手指刮眉則必有密謀深計官屬相戒無敢白事者
而昌隆適有事往白震怒不應昌隆未喻移時又白
之震愈怒拂衣起曰事當行則行何問為昌隆取階
而退謀於所知者或謂之曰今既請不得公舊事東
宮皇太子素知公何不取令旨行之昌隆從其計果

得請震大怒遂奏昌隆傲慢狠愎事多專行臣以職
守相臨動為所拒無屬官禮且身為王官事無去
竝須正奏而乃假托官僚怙賴恩私陰欲樹結其潛
蓄無君之心於斯可見又言昌隆身事建文名在黨
籍僥倖苟免見利忘義其心叵測其行匪良不宜重
用帝乃命逮昌隆下獄尋遇赦復官丁父憂歸後起
復至京往謁震震溫言接之入理前奏詔繫昌隆錦
衣衛獄且籍其家帝方巡幸凡下詔獄者率輿載以
從謂之隨駕重囚昌隆與馬後數年谷王謀反事發
辭逮昌隆以王黨奏昌隆為長史坐以共謀詔公卿

雜問昌隆初不服罪辭不已震折之昌隆知不免乃
無言獄具置極刑死矣其族後震病且死號呼尹相
尹相其妻子問之言見昌隆守欲殺之云

論曰建文時大臣皆太祖任用有年遵簡而遺之者
其才能政績多可稱道一旦遭罹國變不惜降志辱
身以圖倖免名節已污即貽譏於後世豈曰不幸乎
純之自經已晚死有餘恨昌隆得禍之酷亦不減於
齊黃顧不以殉國事而死權臣其所失抑又多多矣
為書不終惜哉

明史卷一百八十九

列傳四十

張

玉子親乾從子信

朱

能

丘

福

王

真

張

武

陳

珪

李

濟

徐

祥

譚

淵

子忠

孟

善

孫

岩

張

興

陳

志

唐

雲

陳

賢

王

友

王

聰

火

真

張玉字世美祥符人仕元累官樞密知院元亡從走

漠北洪武十八年有叛來歸從大軍出塞至捕魚兒

海以勅授濟南府判平戶從征粉紅帖木兒抵延川

遷安慶衛指揮俞事從征永順散毛諸洞北遂蒙
古之侵邊者至鴉裏山而還調燕山左護衛從燕王
出塞至黑松林又從征野人諸部以驍果善謀畫為
王所親任建文元年王起兵用王策奪北平九門撫
諭城內外三日而定師將南王曰薊州在吾肘腋不
取將為後患遂與朱能東攻薊州都指揮馬宣鎮撫
曾溶邀戰執殺之并執毛指揮送北平遂定薊夜引
兵趨遵化選勇士四鼓登牌開城門勦軍軍盡入守
將始覺錯愕迎降分兵下永平密雲皆致其精甲以
益師糧都指揮詹事掌中營兵是時都督徐凱軍河

聞潘忠楊松軍鄭州長興侯耿炳文以三十萬衆軍
真定王說王曰潘楊勇而無謀可襲而俘之王乃以
王將親兵為前鋒抵樓桑其日中秋度南軍方宴會
夜半疾馳破雄縣忠松來援邀擊諸月漾橋生禽之
遂克鄭州以輕騎前覘炳文軍還言軍無紀律其上
有敗氣急擊勿失王遂引兵西至無極王顧問諸將
今兵宜何嚮諸將以南軍方盛請屯新樂王曰彼雖
衆皆新集我軍乘勝徑趨真定破之必矣王曰善吾
倚王一人足濟大事明日抵真定接戰大敗炳文軍
獲左右副將軍孫潘忠改都督顧成等斬首三萬

復敗安陸侯吳玠軍南軍由是不振江陰侯兵高以
遼東兵圍永平曹國公李景隆引兵數十萬攻北平
王與王謀先援永平至則高遁走王追斬甚衆因說
王曰大寧去此不遠潛師襲之必克遂從劉家口襲
大寧自辰至午破其城殺都指揮朱鑑還軍救北平
直搗景隆營鄭村壩大戰三日景隆大敗乘勝抵城
下城中鼓譟而出表裏夾攻南軍之圍城者亦大敗
遁去從敗廣昌蔚州大周縣報景隆收潰卒號百萬
且復至王曰兵貴神速先事者勝請先往由海河以
逸待勞遂往駐河上三日景隆兵至以精騎馳擊殺

大敗之追奔至濟南圍其城已而解圍還破滄州禽
都督徐凱進攻東昌與盛庸軍遇王以數千騎繞出
其後庸悉衆圍之數重王奮擊得出王不知王所在
突入陳中戰愈力手格殺數十人被創死年五十八
燕師起轉關三年未嘗挫衄至是失玉大將一軍奪
氣師還北平諸將叩頭請罪王曰勝負兵家常事不
足計所恨艱難之際失我張玉令我寢不帖席食不
下咽因泣下不能止諸將皆泣建文四年秋王稱帝
贈王都督同知已而進贈奉天靖難推誠宣力武臣
特進榮祿大夫終在國榮國公謚忠顯仁宗卽位加

封河間王改諡忠武衛享成祖廟庭子三長輔次觀
軫從子信輔自有傳

觀以功臣子為神策衛指揮使正統五年英國公輔
訢觀殿守墳者碎其髮曰此太師髮詞多悖謾帝命
錦衣衛鞠得實固禁之尋釋三遷至中軍都督府右
都督省領宿衛景泰三年加太子太保英宗復位以
第軫迎立功并封觀文安伯食祿千二百石天順六
年卒贈侯諡忠僖子斌嗣坐誣咒論死赦免奪爵官
其子羽為指揮使

軫奉樂中宿衛為錦衣衛指揮參事從宣宗征漠

康今天從成國公朱勇出塞至魏帽山正統十三年
以副總兵征麓川還軍討貴州叛苗積功為前軍都
督府右都督總京營兵與石亨曹吉祥厚善景泰二
年坐驕淫不道被劾下獄尋釋景帝不豫同亨吉祥
迎上皇於南城封太平侯食祿二千石性陰暴于謙
王文范廣之死軌有力焉既得志益驕橫納賄亂政
遂於亨吉祥天順二年卒卒時見范廣為樂云贈裕
國公諡勇襄子瑾嗣侯成化二年革奪門功奪侯與
指揮使

信舉建文二年鄉試第一永樂中歷刑科都給事中

數言事當帝意擢工部右侍郎河決開封遣信視之
信請疏魚王口至中樂故道二十餘里繪圖以進詔
如其議役十萬人浚之決遂塞再出治浙江海塘坐
事謫交趾洪熙初元召為兵部左侍郎帝嘗從容謂
英國公輔公有昆季在可加恩乎輔頓首言親若軌
蒙上恩以臣故備近侍然奢侈好酒色獨從兄侍郎
信賢可使也帝召見信曰是英國公兄耶趣武冠冠
衣以為錦衣衛指揮使信為人通敏所至有聲為錦
衣理刑七年以平恕稱宣德六年遷四川都指揮僉
事在蜀十五年以錦衣衛帶俸都指揮同知致仕命

其子嗣官

朱龍字士弘懷遠人父亮元末結義兵保鄉里後從太祖渡江積功為燕山中護衛副千戶能嗣職事燕王於藩邸嘗從王北伐取元太尉朵兒不花覆其軍王起兵能與張玉首謀殺張弼謝貴奪九門權指揮周和引兵攻拔薊州殺馬宣取遵化從攻雄縣破其東門遂北至月漾橋執都督楊松潘忠降其衆於鄭州張驥至真定大敗耿炳文軍獨與敢死士三十騎追奔至滹沱河炳文衆尚數萬人能躍馬大呼突陳南軍披靡相蹂躪死者甚衆降三千餘人進都指揮

僉事從援永平走其高襲定大寧還破李景隆軍於
獨上盡破南軍之攻九門者從攻廣昌蔚州大同戰
白溝河為前鋒再敗平安軍追至濟南之鋒山南軍
乘高而陳能以奇兵繞出其後襲破之降萬餘人進
都指揮同知從攻滄州破東門而入斬首萬餘級東
昌之戰盛庸鉅圍王數匝平安兵又至圍益急能
率周長等以突騎奮擊翼王潰圍出遷都指揮同知
復從王戰夾河譚淵死燕師挫能至戰再捷軍復振
夫與平安戰葉城三戰三敗之追奔至真定畧地彰
德定州破西水寨敗南軍於衡水獲指揮賈榮進克

東府東平盡被攻此諸寨至深河王真戰死戰齊局
亦平安矣又大捷諸將議旋師能獨按劍奮曰莫高
才戰孔敗終有天下今舉事連得勝小挫輒歸更能
北而事人耶王說遂決意引兵南盛庸平安等合兵
六十萬依滄山為陳能率李遠等設奇四面進攻大
敗平安銀牌軍都督陳暉來援又敗暉生禽偏將以
下三十餘人降十萬衆累遷右軍都督僉事進克泗
州渡淮敗盛庸兵拔盱眙下揚州渡江入金川門諭
勅為奉天靖難推誠宣力武臣特進榮祿大夫右柱
國左軍都督府左都督成國公食祿二千五百石與

世恭采樂二十五年薨太子太傅加祿千石四年佩征夷將軍印率二十五將軍兵八十萬討安南帝親送之龍江行次廣西之龍州卒於軍年三十七能於燕將中最年少善戰張王最善謀燕王倚為左右手王戰沒軍中進止悉諮能能身長八尺雄毅開豁善撫士卒卒之日將校皆為流涕洪熙時追封東平王諡武烈配享成祖廟庭子勇嗣勇以元勲子特見任用歷掌都督府事留守南京永樂二十二年從北征宣德元年從平漢唐入獲從征沙漢張輔解兵權以勇代之勇見南北諸軍備邊轉運錯互非便請專令南軍

轉運北軍備邊又見京軍多遠戍非居重馭輕之道
請選精兵十萬益之文請令公侯伯都督子弟操練
皆報可正統九年出喜峰口擊朵顏諸部至雷峪川
薄有新獲兵部尚書徐晞劾勇不能會諸軍深入乃
遽旋師宜治罪帝命宥之尋論功加太保勇頰面虬
鬚狀貌甚偉而勇畧實不足以敬禮士大夫有名譽
得久典兵柄十四年從駕至土木也先之衆驟至勇
以五萬人迎戰冒入鵠兒嶺中伏戰沒隻騎不返于
謀等追勅奪封景泰元年勇士儀乞塋祭帝曰勇為
失將喪師辱國致陷乘輿可以公禮塋耶已而儀請

襲朝議難之禮部尚書胡濙儀婦翁也為營解乃以
立東宮恩得嗣為公城歲祿至千石天順初進封勇
平陰王謚武愍儀掌中軍都督府事守脩南京者三
十餘年以老成靜謚稱卒贈太師謚莊簡子輔嗣守
備南京先後十七年卒贈太傅謚恭僖傳子麟及鳳
鳳卒贈太保謚榮康子希忠嗣世宗南巡希忠掌行
在左府事扈從至衛輝行宮夜火侍衛倉卒不知駕
所在獨希忠與都督陸炳翼帝以出由是被恩遇入
直西苑歷掌右府後府事總兵神機營提督十二團
營及五軍營累加太師益歲祿七百石代郊天者三

十九賞賚不可勝紀卒追封定襄王諡恭靖後萬曆
中給事余懋學疏論廷奪王爵第希孝亦積官至都
督加太保卒贈太傅諡忠愍希忠四傳至曾孫純臣
當崇禎時屢掌營府為帝所倚任李自成薄京師手
勅純臣總督中外諸軍輔立太子勅未至城已陷純
臣為賊所殺福王立贈舒城王

丘福鳳陽人起卒伍事燕王於藩邸積年勞為燕山
中護衛千戶燕師起與朱能張玉首奪九門大戰真
定突入其子城戰白溝河以勁卒搏中堅夾河滄州
靈壁諸大戰皆為軍鋒威庸兵扼淮福與朱能將數

百人西行二十里且上流潛濟猝薄南軍營鳴炮敵
驚遂突其陳陳動盛庸走盡得其戰艦軍乃得渡雖
以功累遷至都督僉事竝與朱能同福為人樸慤驚
勇謀畫智計不如張玉敢力戰深入埒朱能每戰勝
諸將爭前效鹵獲福獨後王每嘆曰丘將軍功我自
知之既卽位大封功臣第福為首為奉天靖難推誠
宣力武臣特進榮祿大夫右柱國中軍都督府左都
督興國公食祿二千五百石與世券漢王高煦數將
兵有功成祖愛之福試人與高煦善數勸帝立為太
子帝猶豫久之竟立仁宗為太子而福為太子太師

加歲祿一千石永樂七年七月出塞至臚胸河敗沒
先是本雅失里殺使臣郭驥帝大發兵討之命福佩
大將軍印為總兵武城侯王聰同安侯火真為左右
副總兵靖安侯王忠安平侯李達為左右叅將以十
萬騎行帝知福敢戰輕敵陞辭曰諭以兵事須慎重
自開平以北卽不見寇宜時時如對敵日夜謹斥望
毋嘗敵易與毋為所紹已行又賜勅戒諭福出塞以
千餘人先至臚胸河南遇遊騎擊敗之遂渡河獲其
尚書一人飲之酒問本雅失里今安在答言聞大兵
來惶懼欲北走去此未遠可三十里福大喜曰當疾

馳禽之諸將請俟諸軍集偵虛實而後進福不從以
所獲者為鄉導直薄敵營與戰相待二日每戰敵輒
佯敗引去福銳意乘之李遠諫曰將軍輕信敵間懸
軍轉鬪敵今示弱誘我深入我進必不利退則懼為
所乘獨可結營自固盡揚旗鼓出奇兵與挑戰夜
多燃炬鳴炮以張軍勢使彼莫測俟我軍畢至併力
攻之必捷否亦可全師而還始天子與將軍言何如
而遂忘之乎王聰亦力言不可福皆不聽欲遣火真
往敵營詐求和率精騎之火真遂疑未行福厲聲
曰違命者斬即先馳麾下卒行控馬者皆泣下諸將

不得已與俱俄而敵騎大至圍之數重聽戰死福源
諸將被執遇害一軍皆沒帝震怒以諸將無足任者
決意親征奪福世爵徙其家海南

王真陝西咸寧人洪武中起卒伍積功至燕山右護
衛百戶燕師起攻北門戰未平真定下廣昌和鳳門
從破滄州進南兵至滑口俘獲七千人積功累遷都
指揮使燕王之設伏泚河也令真與白義劉江各以
百騎誘平安軍安見敵兵少急擊之真等佯走誘安
入伏內兩軍鏖戰真率壯士突而前斬馘無算後隊
不繼南軍圍之數匝真身被數十槍氣愈奮連格殺

數十人南軍蓋兵圍之真知不免顧左右曰吾義不
死敵手遂自刎成祖即位追封奉天靖難推誠宣力
武臣特進榮祿大夫右柱國金鄉侯諡忠壯真勇健
有智畧臨陳應敵能出奇制勝推鋒陷陳常以一當
百成祖每進憚之嘗曰王真不死功當冠諸將仁宗
嗣位進封寧國公加號効忠配享成祖廟庭子通自
有傳

張武劉陽人路達有勇力稍涉書史為燕山右護衛
首戶從燕王起兵克國洲取難縣守將據列澤
楊敢兩都督來勝抵鄭州乃還乞為與諸將收義興

侯於漳沱河夾河之戰武率壯士為前鋒突陣陳亨
敗走南軍追之武引兵還擊南軍遂潰攻西水寨前
軍夜失道南軍追之急武引兵伏要害乃不得進小
河之役陳文戰死武率敢死士自林間突出擊與騎
兵合遂大敗南軍論功由指揮使累遷都督僉事進
同知封咸陽侯祿千五百石位次朱能下為徹侯第
一還守北平永樂元年卒出內廐馬以賻贈潞國公
諡愍毅無子爵除

陳桂泰州人以總旗從大將軍平中原有功授龍虎
衛百戶改燕山中獲衛從燕王出塞為前鋒進副千

戶已從起兵戰九門雄鄭壩上楊村有功擢指揮同
知還佐世子居守嚴督守備晝夜不懈累遷都督食
事封泰寧侯祿千二百石佐世子居守如故永樂四
年營北京宮殿置繕工命珪總其事八年帝北征命
輔趙王晉守北京兼掌行在後府經畫有條理甚見
獎重年八十五卒贈靖國公諡忠襄子愉嗣二十年
從北征失律下獄死愉庶兄璽自以功為指揮使先
卒子鍾已襲職至是與愉子鏞爭嗣詔竟許鍾鍾嗜
酒酣昏傳子頴及瀛瀛沒於土木贈寧國公諡恭愍
弟涇嗣景泰末掌南京前府還領神機左掖天順五年

祇征蠻將軍印充總兵官鎮廣西涇無他才能徒以
會昌侯塔盾重寄七年涇將數千人駐梧州大藤賊
以夜半梯而入涇不覺也賊遂大掠執副使周璫殺
僇無算涇擁兵自衛不敢發一矢及明遣人與賊講
良史乃出始縱璫還賊入者數百人而已事聞徵還
副都御史吳禎發其狀因許禎俱下獄涇論斬復以
會昌侯故得復爵但奪俸三年而禎竟戍鐵嶺成化
初領五軍右掖尋出協守南京充漕運總兵官卒子
桓嗣桓領五軍左掖弘治初改典練武營佩征西將
軍印鎮寧夏中貴人多遣所親隸麾下欲以冒功賞

桓拒絕之反為所譖召還董五千營卒子璣嗣卒子
儒嗣典五軍右哨嘉靖初坐法勒歸第己後起典五
軍大營卒無子璣弟璉璉相繼得嗣璉領宿衛璉掌
府軍前衛被劾罷璉卒子良弼嗣萬曆中守備南京
督兩京營又一傳而明亡

李濬和州人父旺洪武中立功為燕山左護衛副千
戶濬嗣官燕師起奪九門攻居庸克薊州募兵密雲
攻松亭關破南軍於真定從攻大寧鄭村壩之戰率
精騎突陣衆鼓譟乘之大捷轉戰山東為前鋒至小
河孫興南軍遇率敢死士先據河橋斷路南軍不能

爭燕王主遷大敗之累遷都指揮使封襄城伯祿千石永樂元年出鎮江西永新盜起捕誅其魁餘衆皆獲業尋召還卒子隆字彥平十五而嗣封雄偉有將畧數從北征能出奇料敵成祖器之既遷都以南京根本地命隆留守仁宗卽位移鎮山海未幾復守而京正統五年入總禁兵隆讀書好文論事侃侃持大體清慎守法尤敬禮士大夫在南京十八年先後賜璽書二百餘紙惠兼行遠近悅服以得人心見疑召還南人留涕送之江上繼為守備者莫能及十一年命巡大同邊賜之寶刀一隆申飭戎備內外凜凜迄

還不戮一人明年卒子珍嗣從北征沒於土木贈侯
諡悼僖庶兄璉以貌寢不得嗣第璉嗣歷掌後府右
府事提督五軍三千營成化三年四川都掌蠻叛命
璉佩征夷將軍印充總兵官往討兵部尚書程信督
之師至永寧刻期分道並進都督芮成由戎縣巡撫
貴州都御史陳宜泰將吳經由芒部都指揮崔昊由
晉市水臘南寧伯毛榮為左哨由李子闢巡撫四川
都御史汪浩泰將軍用為右哨由凌船鋪左右遊擊
將軍羅秉忠穆義由金鵝池而後與信居中節制之
榮伐木開道壘石為梁以濟師分攻勇掃諸寨賊敗

遁入深箐中軍乘風縱火焚盡舍積聚幾盡諸道
兵竊追勝戰六日破龍背豹尾諸寨凡七百五十餘
間倉三千八百餘斬首千五百明年進至大壩坎山
嶺劫鄉焚寨俘四百五十間倉九百八十斬首三千
有奇獲銅鼓數十三釐稅奪高無算分補山谷間姓
誅仇姓不奉化者乃遷澶州衛於渡船鋪增置關堡
改大壩為太平川長官司分都掌地設官建治控制
之師還仍領五軍營已進侯加太子太傅久之兼提
督十三團營弘治初卒贈芮國公諡壯武瑾性寬弘
能平訟既嗣封待兄越甚厚越卒撫其子瑋如已子

璿子黼嗣伯數年而卒無子璿竟得嗣歷典神機顯
武及五軍營掌右前復府事四傳至守銜僉書前府
果興營務天啟初加太子少保被劾奪府事崇禎初
召對稱旨特命總督京營坐營卒為盜落職憂憤卒
子國禎嗣國禎輕佻好戲媒然便佞有口帝常召對
國禎指陳兵勢灑灑可聽帝信以為才十六年總督
京營倚任之國禎益以口舌取寵於訓練戰守之策
情和也時尺籍雖虛然尚可得十餘萬人國禎雅不
以為意明年三月賊長驅薄城下始遣兵登陴再宿
而城陷國禎欲突宗文不得出獲奔朝陽門守將孫

如龍已迎賊張能於城上勒國禎降國禎解甲聽命
能羈守之責以賄不足詣還家以貨而家已為他賊
據不得入被考折踝以荆筐曳還能置酒觴戲之曰
大將軍狼狽乃爾耶是夕國禎以所繫絛自縊死
徐祥大冶人初為漢萬戶歸太祖於江州積功為燕
山右護衛副千戶成祖在藩邸以祥謹直命侍衛左
右從起兵奪九門破居庸關進指揮僉事從取懷柔
破雄縣追戰鄭州真定援永平走遼東兵出劉家口
破武寧救南軍於鄭村壩進指揮同知尋摧北平都
指揮僉事破廣昌克蔚州攻大同大戰白溝河攻薊

南取滄州進都指揮同知克威及深鑒戰夾河葉城
掠順德襲敗彰德軍破西水寨敗其援師拔東阿東
平汶上抵鳳陽奪河南橋小河壩鳳凰山與大軍會
齊局山戰勝靈璧取泗州盱眙渡江入金川門進都
指揮使封興安伯祿千石位為伯第一祥在諸將中
年稍長及封益勤慎不敢驕急永樂二年卒子永阜
沒孫亨嗣十二年從北征為中軍副至土剌河獲馬
三千還守開平常將輕騎往來興和大同備邊寇仁
十年從征兀良哈至屈裂河賊不從征阿魯台將寇
掖至陰山而還明年復出塞半邊山西路宣德元年

以右副總兵從黔國公征交趾無功師還被劾奪祿
英宗即位復給之正統九年率兵征兀良哈出界嶺
由河州進封侯出鎮陝西召還天順初卒諡武襄
子賢嗣伯以跛足給半祿家居免其朝謁卒子盛嗣
卒亡子丹從弟良當嗣其祖母故小妻也良父既生
而其祖繼娶定襄伯女至是郭氏之孫爭襲朝議以
郭氏初嘗通人法不當為正嫡良竟得嗣良時年五
十家貧自於大中橋受直為人汲水已都督府求為
興安伯後乃謝其鄰而去食書南京中府忤劉瑾革
祿二伯石傳爵至明亡乃絕

韓淵清流入父勝洪武中積功為燕山右護衛副千
戶淵嗣職成祖起兵從奪九門南破雄縣邀擊潘忠
楊松於月漾橋率壯士千人伏水中人持一束芟蒙
頭通鼻息南軍已過卽出據橋忠等戰敗趨橋不得
渡遂見擒轉戰永平大寧真定薊城滄州常為前鋒
累進都指揮周知淵驍勇善戰能引兩石弓發無不
中然性嗜殺滄州破成祖命給牒散遣降卒會暮未
遣者三千餘人待明給牒淵一夜盡殺之成祖怒淵
由此曹皆壯士釋之必復為我忠成祖曰必如爾言
當盡釋敵敵可盡乎淵慚而退夾河之戰南軍陳動

塵起淵庭前得戰馬賜被殺成祖痛之卽位贈都指揮使己追封樂安侯諡壯節立祠香山陽京尹以少牢春秋致祭子忠襲官從入京師有功以淵故得封新寧伯祿千石永樂二十年將右掖從征沙漠宣德元年從定樂安三年坐征交趾失律下獄論死己而得釋卒子璟乞嗣吏部言忠罪死不當世爵帝曰莽有免死文其子嗣璟傳子裕及祐祐恭慎守法好禮累典營務成化十三年偕守南京還掌前府提督團營累加永保兼太子太傅又加太傅嗣伯凡六十九年而卒諡莊僖子綸嗣掌南前府嘉靖十四年佩征

雙將軍印克總兵官鎮湖廣勦九溪蠻有功益祿坐
占役軍奪爵卒子功承嗣掌南左府兼督操江還僉
書前府進掌府事卒子國佐嗣食書右府累典營務
明亡爵絕

蓋善海豐人仕元為山東樞密院同僉國初歸附隸
大將軍徐達麾下從達北征授定遠百戶從傅友德
征雲南進燕山中護衛平戶事燕王於藩邸從征漠
北有勞績燕師起率兵攻松亭關戰白溝皆有功已
而守保定南軍數萬薄城下城亡兵才數千食匱外援
絕善固守南軍攻之急善率士卒晝夜立埦間悉力捍

拒賊頗以完復論功累遷右軍都督府都督同知封
保定侯食祿千二百石與世券永樂元年鎮遼東遠
人歎附騷輯備至七年召還北京賜告家居十年卒
贈滕國公諡忠勇子瑛嗣侯再從北征並將左軍仁
宗卽位出鎮交趾為左叅將先是瑛有庶兄賢為常
山護衛指揮坐謀逆死至是并坐瑛奪爵毀券謫雲
南安置宣德六年放還充為事官於宣府英宗卽位
授京衛指揮使卒子俊嗣官天順初以恩詔與伯爵
卒子昂乞嗣吏部以詔無世襲文執不許中旨與昂
嗣伯卒子達乞嗣伯者三終不許仍與指揮使爵除

孫岩鳳陽人開國功爲金吾衛百戶守鳳陽調燕山
右護衛從燕王之國洪武十五年以燕山中護衛正
千戶致仕燕師起王以岩宿將使守通判南師大至
圍數周起土山臨城攻西門毀樓堞岩多方捍禦不
能下已復突門力戰追奔至張家灣掠餉舟三百獲
還守城又敗遼東兵累擢都指揮僉事燕王稱帝論
功封應城伯食祿千石與世券永樂十一年出備禦
開平移鎮通州以私憾椎殺千戶奪爵免死安置交
趾亡何復爵十六年卒贈翼城侯諡威武子亨先代
父爲千戶積功授沂南都指揮僉事至是嗣伯傳子

英及傑傑坐法丹卒獄得釋充總兵官鎮山海永平
坐棄所守地論死從石亨立印得復爵卒子繼先嗣
成化九年受賊當死免奉爵十三年復冠帶予半俸
卒子鉞嗣鉞子岱以疾不得嗣以岱子永爵嗣傳至
國亡爵除

張興壽州人起卒伍積功為燕山左護衛指揮僉事
從起兵攻九門取薊州收遵化定密雲戰勝雄鄭真
定永平收大寧還趨瀾上連戰蔚州大同滄州東昌
夾河堯葉城下西水寨累遷都指揮同知興有從子
勇從行間興戰常為肘腋興以車騎追敵被數計創

傷重不任戰勇嗣為指揮使代將其兵從定京師第
功封興為安鄉伯祿千石勇遷都指揮同知興卒無
子以勇嗣伯永樂八年從北征失律奪爵謫交趾其
功赦還後爵卒子安嗣掌左府事正統十三年出鎮
廣東黃蕭養寇廣州安率舟師援之遇賊於賊船與
安安醉卧官軍不能支退至沙角尾賊薄之軍潰安
溺死亡子第寧嗣掌南後府還領五軍右哨及三千
神機營子愷犯法連坐牢獄贖罪還爵弘治中卒再
傳至孫坤累典營務卒子鐸嗣領宿衛卒第鉉嗣掌
前府三傳至曾孫光燦流寇陷京城被殺

陳志已人洪武中立功為燕山中護衛指揮僉事從
燕王起兵奪九門戰懷來雄鄭真定援永平襲大寧
趙壩上克蔚州白溝之戰策馬獨先破夾河薊城追
奔至彰德累遷都指揮同知封遼安伯祿千石志素
以謹贊受知成祖僉力戎行始終不懈永樂八年卒
長子良坐罪謫戍死次子春數從志破敵累功至指
揮僉事先志卒其子瑛嗣官比志卒瑛與良子瑄爭
襲帝曰瑄父誠有罪然志嫡孫也與瑛爵奈嫡孫何
今瑛又不讓其下廷議廷議請予瑄帝曰呼二子來
以圖決之竟為瑛所得屢從出塞征永平山海還掌

前府操備右掖軍復出鎮薊州築城雲州獨石瑛爽
聞有將材然在鎮有貪殘聲人多怨者卒子瑒嗣沒
於土木謚榮懷亡子弟韶嗣領三千營出掌南左府
提督操江坐受賕逮治謫遼東立功明年復爵弘治
初復領三千營加太子太保進太子太傅凡嗣伯五
十六年而卒孫總嗣分典營務出總薊州兵朶顏入
寇禦却之典振威營僉書右府提督三千營嘉靖初
叙奉迎守禦功加太子太保提督團營掌前府進少
保委寄亞於武定侯嗣伯六十餘年卒又五傳而明

唐雲不知所自起為燕山中護衛指揮燕王既殺張
易謝貴等北平都指揮彭二攻端禮門不克死將士
猶據九門閉薨城陳戈戟內向張玉等帥甲夜襲之
已克其八惟西直門不下主令雲解甲騎馬導從如
平時諭守者曰天子已聽王自刎一方汝等急退後
者戮雲於諸指揮中年最高素信謹將士以為長者
不欺我遂散是時士心未附軍中驟有異謀雲告以
天意所嚮衆乃皆定雲從燕王久出入在左右燕王
倚任焉先後出師留輔世子居守南兵數攻城守甚
力與戰未嘗失利累進都指揮使燕王稱帝封新昌

伯世指揮使明年秋卒

陳賢壽州人初從太祖立功授雄武衛百戶從西平侯征西番賴川侯征雲南永昌侯征迤北至捕魚兒海皆有功歷燕山右護衛指揮僉事燕師起賢從諸將出戰常突陣陷堅軍中稱其驍勇累遷都督僉事封榮昌伯祿千石卒子智己前立功為常山右護衛指揮嗣伯久之以泰將鎮交趾佩征夷將軍印懦不能軍又與都督方政不合賊至禦之敗績奪爵充為事官從王通立功尋棄地還下獄得釋正統初復為指揮使十餘年而卒子孫世襲指揮使

王友荆州人襲父官為燕山護衛百戶從起兵定京
師累遷都指揮僉事論功當封侯以驕縱故挫抑之
永樂元年帝既大封功臣慮尚有遺闕令丘福等議
之福等言陳賢張興陳志王友皆前鋒摧敵功與劉
才等於是四人竝得封封友清遠伯祿千石明年充總
兵官帥舟師沿海捕倭倭數掠海上友禦之無功帝
切責之已而大破倭使來獻捷帝乃喜降勅褒勞尋
召還四年從征交趾前驅破敵功多進封侯加祿五
百石與世券八年從北征督中軍扈帝深入別與劉
才等城飲馬河上帝次五原峰命友簡銳士從征阿

魯召尋命休士開平會謀報知院失乃干欲降帝使
別將招之而令友等以師受降不降即掩擊友等進
至絕漠與失乃干相距一舍故迂道往應昌軍中乞
食多死者帝震怒奪其兵付張輔還令羣臣廷議其
罪已而赦之十二年坐妾告友夫婦誹謗有驗奪爵
下獄明年出獄卒爵除仁宗卽位官其子順為指揮
僉事

王聰蘄水人以燕山中護衛百戶從起兵取薊州攻
遵化徇涿州轉戰荏平滑口大破南軍獲馬千五百
還守保定復南宮冀州畧淮泗獲舟渡江累遷都指

揮使封武城侯從丘福出塞敵圍數重聰與李遠率
五百騎突陳殺數百人聰戰死追封漳國公諡武毅
聰及李遠以嘗諫福故得褒卹聰無子官其從孫紀
為京衛指揮僉事

火真蒙古人名火里火真洪武初歸附為燕肅中護
衛千戶從攻真定馳馬先突長興侯陳大軍乘之大
捷從襲大寧鏖戰鄭村日暝天寒飲敵鞍焚王前累
士數人趨附火衛士止之王曰吾衣重裘猶寒此皆
壯士勿止也聞者感泣火真常率騎兵每出輒有斬
獲呼噪歸營衆服其勇累遷都督僉事封同安侯出

塞戰沒爵除子孫世襲觀海衛千戶裔孫斌武舉嘉
靖中倭寇浙東總督王忬命率海舟與賊戰賊燃火
毬擲斌舟斌輒手接之還燒賊舟賊屯補陀山斌直
搏其營多殺傷絕援被擒不屈賊文解之官為建祠
曰忠勇

論曰靖難諸徵侯皆故燕山護衛號稱王之爪牙者
太祖固將使之左右於王以控禦絕漠故其間頗多
材雋之士孰知一旦稱戈內向通以資強藩而張其
羽翼乎若張玉朱能謀勇固將於徐常即丘福王真
而下並卓然擅冠軍之選成祖得士如此而又能任

使以盡其力乃中朝二三儒生顧欲區區折箠答之
不亦謬乎嗚乎天之所興即英傑以聚焉殆亦大非
偶然者矣